

САЙЁР ҚАБУЛ
ДАВОМ
ЭТМОҚДА

2-бет

ЯНГИ ДАВР –
УМИДБАХШ ЭПКИНЛАР,
ИЛҲОМБАХШ ОДИМЛАР

2-3-бет

ТАРИХГА
МУҲРЛАНГАН
ТАСВИРЛАР

4-бет



TURKISTAN
janubiy.kz

Жанубий

Вилоят ижтимоий-сиёсий газетаси

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2022 йил 15 сентябрь, пайшанба. №100 (3153).

Ўқиб, ёд олинг!



Анормат ЛОЧИН



Қардошим
кўшим

Қозоқ-Ўзбек дўстлигин, биз азалдан биламиз,
Дўстлик бўлсин мангу деб, пок ниятлар қиламиз.
Боболар ҳам шунинг-чун, қиз олиб, қиз беришган,
Дунё ризку рўзларин, биргалашиб теришган.
Қозоқ қизидан келин, бунинг бир мисолидир,
Дўстликка садоқатнинг, ажойиб тимсолидир.
Чунки миллат ажратиб, ҳеч қим бахтли бўлмаган,
Ўзгани сийламаган, баркамол бўлолмаган.
Ўша кун, қозоқ қизи, бизга келин бўлганди,
Қуёғинчи қудаларга, уйимиз лиқ тўлганди.
Ёшлар аҳдин билишгач, бахт-саодат тилашган,
Тўй кунларин белгилаб, уйларига қайтишган.
Кексаларни хурматлаб, тўрлардан жой берганмиз,
Олдларига қимизлар, қози-қарта терганмиз.
Катталар дуоси-ла, бошланганди, шунда тўй,
Йиғилганлар қалбида, ўтган эди ширин ўй.
Қўшиқларин айтишган, қуда томон ажелар,
"Айтис" айтиб тортишган, завқланганди, божалар.
Испломий тўй эмасми, қимиз, қози, мўл бўлган.
Соғлом дунёқарашдан, барчанинг кўнгли тўлган.

ТИНЧЛИК УЧУН БАРЧАМИЗ МАСЪУЛМИЗ

ДАВЛАТ РАҲБАРИ ПОЙТАХТДА ЎТГАН ЖАҲОН ВА АНЪАНАВИЙ
ДИНЛАР ЕТАКЧИЛАРИНИНГ СЪЕЗДИДА МАЪРУЗА ҚИЛДИ

– Бугунги тадбир барчамизнинг тинчликни асраш ва тамадунлараро мулоқотни мустаҳкамлашдан манфаатдор эканимизни кўрсатади. Ўзгаришлар ва таҳдидлар даврида бугунги учрашув алоҳида аҳамият касб этади. БМТ, бошқа халқаро ташкилотлар раҳбарлари, сиёсатчилар ва экспертлардан миннатдорман. Съезд ўтказиш ташаббусимизни қўллаб-қувватлаганингиз мамлакатимиз учун жуда муҳим. Муҳтарам дин пешволари, хурматли жамоатчилик, бугун Жаҳон ва анъанавий динлар етакчиларининг

съезди дунёвий даражадаги тамадунлараро мулоқот майдонига айланди. Мазкур анжуманни ўтказиш ташаббуси Қозоғистондан чиққани бежиз эмас. Чунки, қозоқ замини асрлар давомида Ғарб ва Шарқ ўртасида кўприк бўлиб келган. Буюк Дашт ҳудудидида бир қанча йирик кўчманчи империялар яшаган. Диний барқарорлик уларнинг барчасига хос хусусият, – деди Қасим-Жўмарт Тўқаев.

«Егемен Қазақстан».



КОНСТИТУЦИЯВИЙ КЕНГАШ Қ. ТЎҚАЕВНИНГ МУРОЖААТИ ЮЗАСИДАН ҚАРОР ҚАБУЛ ҚИЛДИ

Мурожаат «Қозоғистон Республикаси Конституциясига ўзгартиш ва қўшимчалар киритиш тўғрисида» лойиҳасининг Асосий қонуннинг 91-моддаси 2-бандида белгиланган талабларга мувофиқлигини кўриб чиқиш тўғрисида. Қонун лойиҳасида Конституцияда республика Президенти ваколатининг бир марталик етти йиллик муддатини белгилаш, шунингдек, Асосий қонуннинг 2-моддасига мамлакат пойтахти номини ўзгартиришга оид ўзгаришлар киритиш назарда тутилган.

Конституциявий кенгашнинг расмий сайти маълумотлари асосида.

Мўғлистоннинг Улан-Батор шаҳрида пауэрлифтинг бўйича ўсмирлар орасида Осиё чемпиони Арман Тўйлибай, Ўзбекистоннинг Наманган шаҳрида ўтган белбоғли кураш бўйича жаҳон чемпиони чемпиони Қайсар Шамшидинов, Бухорода ўтган джиу-джитсу жангвар спортдан Осиё чемпиони Муса Мекенбай ҳамюртлари эътирофини қозонди. Чордара тумани ҳокими Қайрат Жўлдибай спортчилар билан учрашиб, уларни ғалаба билан қутлади. Ғолибларга ташаккурнома ва қимматбаҳо совғалар тақдим этиди. Шунингдек, туман маслаҳати котиби Арман Қарсибаев туман спорт соҳасига муносиб ҳисса қўшган спортчиларга моддий мукофотлар топширди. Таъкидлаш жоизки, Мустақил Қозоғистоннинг шарафини

СПОРТЧИЛАРГА ЭҲТИРОМ КЎРСАТИЛДИ



нуфузли мусобақаларда ҳимоя қилиб келаётган Туркистон вилоятининг истеъдодли спортчилари улкан марраларни забт этмоқда. Улар Осиё чемпионатида Жаҳон ва Осиё чемпионатининг рекордини янгилашди. Вилоят ҳокимининг матбуот хизмати.

1 ТОННА ПАХТА – 374 МИНГ ТЕНГЕ



Республикада пахта етиштириладиган ягона минтақа – Туркистон вилоятида пахта терими бошланди. Жорий йилда вилоятда унинг экин майдони 126,3 минг гектарни ташкил этди. Бу минтақадаги умумий экин майдонининг 15 фоизини ташкил этади. Гектаридан 27,3 центнердан ҳосил олинмоқда.

Йиғим-терим ишларини биринчи бўлиб Жетисай ва Мақтаарал туманлари бошлаб беришди. Пахта хомашёсининг сотиш нархи Ливерпуль пахта биржаси маълумотларига мувофиқ белгиланади. Ўтган йили бир тонна пахта хомашёси 320 минг тенгедан қабул қилинган эди. Бу, ўз навбатида, пахтачилик билан шуғулланувчи агрофирмаларнинг ижтимоий-иқтисодий аҳолини яхшилашга ижобий таъсир кўрсатади.

Ҳозир пахтанинг тоннаси 374 минг тенгедан қабул қилинмоқда. Кузги йиғим-терим учун давлат томонидан 48 минг тонна ёқилғи-мойлаш материаллари, минерал ўғитлар нархини субсидиялаш учун бюджетдан 6 миллиард тенге ажратилди.

Туркистон вилояти ҳокими матбуот хизмати.

ВИЛОЯТ АҲОЛИСИ ДИҚҚАТИГА!

Қозоғистон Республикаси Президентининг 2022 йил 3 мартдаги 826-сонли «Ҳокимларнинг аҳоли билан учрашувларини ўтказиш тўғрисида»ги Фармонининг ижроси доирасида Туркистон вилояти ҳокими Дархан Амангелдиули Сатибалдининг Сариегач тумани аҳолиси билан учрашуви 2022 йил 23 сентябрь куни соат 10.00да Сариегач шаҳри (Исмаилов кўчаси, 41 "А"), "Жеңіс" истироҳат боғида ўтади, вилоят ҳокимининг шахсий қабули 2022 йил 23 сентябрь куни соат 11.00да "Халқ идораси" (Сариегач шаҳ-

ри, Исмаилов кўчаси, 39 "А") биносидида ўтади.

Шунингдек, вилоят ҳокими Дархан Амангелдиули Сатибалдининг Келес тумани аҳолиси билан учрашуви 2022 йил 23 сентябрь куни соат 14.00да "Жеңіс" истироҳат боғи (Абай қишлоғи, Рискулов кўчаси)да ўтади, вилоят ҳокимининг шахсий қабули 2022 йил 23 сентябрь куни соат 15.00да "Келес тумани ҳокими девони" давлат муассасаси (Абай қишлоғи, Т. Рискулов кўчаси)да ўтади.

Қабулга аввалдан ёзилиш 8(72533) 5-98-99 алоқа телефони ҳамда lakimat@ontustik.gov.kz электрон почтаси орқали 2022 йил 6 сентябрьга қадар соат 9.00дан 19.00 оралиғида (тушқи танаффус соат 13.00дан-15.00гача) амалга оширилади.

Тегишли ташкилотларнинг иштирокини таъминлаш ҳамда бевосита алоқа ўрнатиш мақсадида ариза берувчининг исми-шарифи, савол мазмун, манзилгоҳ, алоқа телефони ҳамда электрон почта (бор бўлса) аниқ кўрсатилиши керак.



«БУЮК ДАШТ» ЭТНОФЕСТИВАЛИ

НУР-СУЛТАН ШАҲРИДА 5 КУН ДАВОМИДА
ОЧИҚ ОСМОН ОСТИДА ЎТАДИ

Жаҳон ва анъанавий динлар етакчиларининг VII съезди арафасида пойтахтда 5 кун давомида очик осмон остида «Буюк Дашт» этнофестивали ўтади.

Нур-Султандаги «Байтерек» майдонида қатор ўтовлар ўрнатилиб, ўртасига катта саҳна барпо этилди. Бу йил пойтахт жаҳон ва анъанавий динлар етакчиларининг VII съездида меҳмонларни шу тарика кутиб олди. Бош режиссёр Асхат Маемиров «Буюк Дашт» этнофестивалининг мазмун-моҳиятига тўхталди.

– Жаҳон ва анъанавий динлар етакчиларининг VII съезди доирасида сентябрь ойининг серкуш куниди пойтахтга ташриф буюрган меҳмонлар, съезд иштирокчилари, умуман, сайёҳлар учун «Буюк Дашт» этнофестивалини ўтказмоқдамиз. Тадбир Нур-Султан шаҳар ҳокимлиги, шаҳар маданият бошқармасига қарашли маданият жамоалари иштирокида ташкил этилди. Съездга келган меҳмонлар орасида диний арбоблардан ташқари илоҳиётшунослар, маданият мутахассислари, маънавият намояндалари ҳам бор. Асосий мақсад Буюк Даштнинг маданий-муслиқий меросини тарғиб қилиш ва тараннум этишдир.

– Пойтахтимиз кўрки – «Байтерек»нинг икки томонида ўтовлар қурдик. Қозоқ заргарлик буюмлари ва хунармандчилиги бир қанотда намоийш этилган. Улар орасида миллий либосларимизни тикиш жараёни кўрсатилган. Сополдан ва темирдан ясалган буюмлар қандай тайёрланишини ҳам кўришингиз мумкин. Иккинчи томондаги кўргазма асосан қозоқ ўтови санъатида бағишланган. Бургут ва този ушлаган овчилик хорижлик меҳмонлар эътиборини дарров ўзига тартади. Бундан ташқари миллий таомларимиз ҳам эл эътиборига ҳавола этилмоқда. Ўртадаги катта саҳнада эса ҳар куни концерт дастури намоийш этилади, – дейди Асхат Маемиров. – Кўриб турганингиздек, Байтерек атрофида хорижликлар кўп. Барча кўтаринки кайфиятда, таассуротлари билан ўртоқлашишмоқда.

Жаҳон ва анъанавий динлар етакчиларининг VII съездида Италиядан келган меҳмонларни майдондаги халқ орасида кутиб олдик.

– Биз Рим Папасининг ушбу ташрифини уюштирган руҳонийлар делегацияси билан Италиядан келдик. Кеча келганимиздан буён шаҳарнинг диққатга сазовор жойларини томоша қилармиз. Меҳмондўстликдан мамнунмиз. Гўё ўз уйимиздамиз, – деди делегация аъзоси.

24.kz.

